

և զընծայսն յոնձն արար Մովսէս և Վարդան վարդապետաց, եւ առաքեաց զնոսա յաշխարհն Ռուսաց: Գրեաց նաեւ զիր օրհնութեան հանդերձ ընծայիւք առ թագաւորն Վրաց Հերակլ, յորում խնդրէր խնամ տանել Նուիրակացն Երուսաղէմի 'ի մայրաքաղաքն Տփլիս և 'ի սահմանս նորա, զորոյ պատասխանն ընկալաւ:

Յետ այսր ամենայնի և անցանելոյ ամաց ինչ՝ հիւանդացաւ Յովակիմ Պատրիարք և անկաւ 'ի մահիճս և չգրտեալ դարման ցաւոցն վախճանեցաւ, յամի Տեառն 1793 'ի 25 Սեպտեմբերի յաւուր տօնի Վարադայ Ս. Խաչի. եւ յաւուրն երկրորդի ըստ իւրումն արժանաւորութեան թաղեցաւ հանդիսիւ 'ի վանս Ս. Փրկչի ըստ սովորութեան 'ի կարգս Պատրիարքաց, վարեալ զիշխանութիւն Պատրիարքութեան Աթոռոյն Երուսաղէմի ամս 18, բազում վըշտօք և տառապանօք յերեսաց դառնութեան ժամանակին. յաւուրս սորա չնմարի այլ երեւելի դէպք ինչ ընդօտարս, բաց 'ի խնդրոյ գերեզմանատան ընդ Լատինս. այլ միայն զբաղեալ 'ի յանձանձանս վանական իրաց, և փոյթ ընդունել զփոխանակագիրս Բդեշխից, դատաւորաց, մաքսապետաց և այլոց 'ի հատուցանել 'ի Կոստանդինուպօլիս, որոց վասն կրեաց բազում նեղութիւնս և աղքատութիւնս, մանաւանդ 'ի հատուցանել զտարեկան սահմանեալ հարկս Կուսակալացն Գամակոսի եւ այլազգեացն Երուսաղէմի: Եւ այս տաղնապ և դառնութիւն չէր միայն 'ի վերայ Հայոց, այլ նաեւ 'ի վերայ Յունաց եւ Լատինաց. զի Հայք պարտաւորեալ էին միշտ առ երկիւղի ընթացակից լինել նոցա, զի մի վտանգեսցին, որպէս երբեմն պատահեալ է. թէպէտ տառապանօք և աղքատութեամբ, որպէս է տեսանել 'ի բովանդակ նամականիս Յովակիմ Պատրիարքի, գրեալ առ ազգայինս Կոստանդինուպօլսոյ, յորս ստէպ խնդրէր հնարել սակաւ ինչ դիւրութիւն նեղութեանցն:

Ասի զամանէ իրրեւ անդիր աւանդութիւն՝ թէ 'ի յետին ամս Պատրիարքութեան իւրոյ կացին աչքն 'ի տեսանելոյ ամս իրրեւ 7. և այս յայտնի եւս տեսանի 'ի ստորագրութեանց նամակացն: Ընտիր եւ պատուական է յեկեղեցական անօթս Ս. Յակոբայ սորին եպիսկոպոսական թագն հանդերձ վակասիւ, հեռեալ մարգարտով և զար-